

Na osnovu člana 21. Poslovnika o radu Koordinacionog odbora centralnih jedinica za harmonizaciju, Koordinacioni odbor centralnih jedinica za harmonizaciju na 4. redovnoj sjednici, održanoj 10.septembra 2018. godine u Banjaluci donio je

## O D L U K U

### o budžetu Koordinacionog odbora centralnih jedinica za harmonizaciju u Bosni i Hercegovini za 2019. godinu

#### Član 1. (Predmet)

Budžet Koordinacionog odbora centralnih jedinica za harmonizaciju u BiH (u daljnjem tekstu: KO CJH) obuhvata sredstva za finansiranje KO CJH, finansiranje Sekretarijata KO CJH i finansiranje radnih tijela KO CJH.

#### Član 2. (Prihodi i rashodi)

- (1) U skladu s članom 21. st. (1) i (2) Poslovnika o radu Koordinacionog odbora centralnih jedinica za harmonizaciju namjenski prihodi za finansiranje KO CJH u 2019. godini osiguravaju se iz sljedećih izvora:

Redni broj	Prihod po izvoru finansiranja	Iznos u KM
1.	Vijeće ministara Bosne i Hercegovine	30.000,00
2.	Vlada Federacije Bosne i Hercegovine	30.000,00
3.	Vlada Republike Srpske	30.000,00
4.	<b>UKUPNO</b>	<b>90.000,00</b>

- (2) Ministarstvo finansija i trezora Bosne i Hercegovine, Federalno ministarstvo finansija-financija i Ministarstvo finansija Republike Srpske, na zahtjev KO CJH izvršit će prenos odobrenih sredstava na namjenski otvoren podračun broj u okviru Jedininstvenog računa trezora prema sljedećoj instrukciji:

BANKA: CENTRALNA BANKA

BIC: CBBSA 22

PRIMALAC: Ministarstvo finansija i trezora BiH

TRANSAKCIJSKI RAČUN: 000 003 00000001 45

POZIV NA BROJ: 37111643 – Sredstva budžeta institucija BiH – Ministarstvo finansija i trezora BiH – Koordinacioni odbor centralnih harmonizacijskih jedinica

- (3) Planirani rashodi za 2019. godinu odnose se na finansiranje aktivnosti KO CJH, uključujući materijalne troškove, ugovorene usluge i naknade, finansiranje aktivnosti Sekretarijata KO CJH, finansiranje radnih tijela koje uspostavlja KO CJH, uključujući i angažovanje eksternih eksperata.

- (4) KO CJH usvaja okvirnu namjensku strukturu rashoda i donosi odluke kojima se odobravaju budžeti pojedinačnih programa u skladu s usvojenim programom rada.

**Član 3.**  
**(Realizacija budžeta)**

- (1) Realizacija budžeta KO CJH vršit će se preko Ministarstva finansija i trezora Bosne i Hercegovine, u skladu s tehničkim procedurama propisanim Zakonom o budžetu institucija Bosne i Hercegovine i međunarodnih obaveza Bosne i Hercegovine za 2019. godinu i Zakonom o finansiranju institucija Bosne i Hercegovine.
- (2) Ministarstvo finansija i trezora Bosne i Hercegovine transakcije će vršiti preko namjenski otvorenog podračuna u okviru Jedinstvenog računa trezora preko kojeg se evidentiraju prihodi i kroz program posebnih namjena na šifri 0407010 - „Kordinacioni odbor centralnih jedinica za harmonizaciju (KO CJH)“ pri organizacionom kodu Centralne harmonizacijske jedinice Ministarstva finansija i trezora BiH u okviru aplikacije Informativnog sistema finansijskog upravljanja (ISFU), preko kojeg se evidentiraju rashodi i izrađuju finansijski izvještaji o izvršenju budžeta KO CJH.
- (3) Tehničku podršku za realizaciju budžeta pruža Centralna harmonizacijska jedinica Ministarstva finansija i trezora Bosne i Hercegovine.
- (4) Ukoliko se namjenski prihodi za budžet KO CJH ne utroše u 2019. godini, iznos neutrošenih sredstava prenosi se na finansiranje KO CJH u 2020. godini, u skladu s procedurama koje se primjenjuju na evidentiranje namjenskih prihoda.

**Član 4.**  
**(Procedure korištenja sredstava i izvještavanje)**

- (1) Realizacija budžeta KO CJH vrši se u skladu s Odlukom o usvajanju internih procedura za stvaranje, evidentiranje obaveza i izvještavanje o izvršenju budžeta KO CJH, broj: KO-11/2017 od 19.10.2017. godine.
- (2) Sekretarijat KO CJH u svrhu informisanja KO CJH obavezan je da sačinjava kvartalne izvještaje o izvršenju budžeta, kao i da sačini godišnji izvještaj, koji dostavlja KO CJH na usvajanje.

**Član 5.**  
**(Izmjene i dopune Budžeta KO CJH)**

Izmjene i dopune budžeta KO CJH mogu se izvršiti tokom 2019. godine ukoliko dođe do korekcija Programa rada KO CJH za 2019. godinu na kojem se budžet KO CJH zasniva, odnosno ukoliko se planirane aktivnosti realizuju putem projekata koji se finansiraju iz IPA fondova ili iz drugih donatorskih sredstava.

**Broj: 5/2018**

**Banja Luka, 10. 09. 2018. godine**

**PREDSJEDAVAJUĆI KO CJH**

**Ranko Šakota**